

Ul. Hiseta 1.
71000 Sarajevo
Bosna i Hercegovina
Telefon: +387 (33) 200 099

PROGRAMSKA DEKLARACIJA

Opšte odredbe

1. Platforma za progres (u daljem tekstu: „Platforma“) je politička organizacija koja djeluje na teritoriji Bosne i Hercegovine u skladu sa Statutom Platforme i ovom Programskom deklaracijom.
2. Platforma je politička organizacija centra građanske orijentacije otvorena za svakog čovjeka koji Bosnu i Hercegovinu smatra svojom državom i domovinom bez obzira na njihovu vjersku, jezičku, nacionalnu, polnu, rasnu ili bilo koju drugu pripadnost ili opredjeljenje.
3. Platforma smatra da je stanovništvo Bosne i Hercegovine i njeno iseljništvo dio jednog korpusa i da ne smiju da se dijele po pitanju prava, dužnosti i obaveza. Iseljenici moraju da dobiju istu mogućnost i priliku kao i stanovnici Bosne i Hercegovine da učestvuju u društvenom, ekonomskom, političkom, kulturnom i sportskom životu Bosne i Hercegovine.

Država

4. Platforma ima za cilj zaštitu, promociju, stabilnost i napredak Bosne i Hercegovine kao cjelovite, nezavisne, suverene, građanske i pravne države. Svaki član Platforme za progres dužan je da se zalaže i aktivno učestvuje u ostvarivanju svih ljudskih i građanskih prava na cijeloj teritoriji Bosne i Hercegovine.
5. Platforma radi na razvijanju bosanskohercegovačkog državnog programa koji vodi ka dugoročnom razvoju države.
6. Platforma radi na prihvatanju i razvijanju bosanskohercegovačkog patriotizma kojim čuva i potvrđuje historijske, kulturne, vjerske i druge identitete svih stanovnika.
7. Platforma insistira na vladavini prava te razvoju i očuvanju pravedne države u kojoj su svi stanovnici ravnopravni u pristupu informacijama i resursima društva i države.
8. Platforma radi na poboljšanju demografske slike stanovništva kako bi se omogućio stabilan, održiv i dugoročan prosperitet države i njenih stanovnika.

Etika i moral

9. Platforma se u svom radu i djelovanju zalaže za opšti moralni preporod bosanskohercegovačkog društva kako bi se riješila sistemska kriza moralnih, društvenih i profesionalnih vrijednosti u Bosni i Hercegovini.
10. Platforma podržava i promoviše privrženost Bosni i Hercegovini, stručnost i sposobnost kao i lični i moralni integritet te poštenje kao kriterije za izbor ljudi koji mogu da predstavljaju Platformu po bilo kojoj osnovi.
11. Platforma radi na promjeni svijesti stanovnika kako bi svaki stanovnik prihvatio vlastitu odgovornost za stanje u svojoj zajednici i uradio sve što može da pozitivno doprinese razvoju lokalne i globalne zajednice kako bi tim zajednicama bilo bolje.
12. Platforma se zalaže za najviši nivo etičke i moralne odgovornosti javne službe i političara u



vršenju dužnosti upravljanja povjerenim sredstvima i poslovima građana i svih poreskih obveznika.

13. Platforma radi na jačanju svijesti o građanskoj, krivičnoj i moralnoj odgovornosti izabranih dužnosnika i nosilaca javnih funkcija te će u slučaju da dođe do saznanja o počinjenim krivičnim djelima, težim prekršajima, povredama zakonskih i moralnih normi, kao i svim drugim radnjama koje štete državi i njenim građanima, pred nadležnim organima preduzimati sve zakonom dozvoljene mjere u cilju sprečavanja ovakvih radnji i sankcionisanja lica odgovornih za počinjenje ovih djela.

14. Platforma njeguje kulturu pristojnog i dostojanstvenog javnog diskursa.

Korupcija i kriminal

15. Platforma se zalaže za sistemsku i sistematsku borbu protiv korupcije i kriminala svim mogućim mehanizmima, uključujući donošenje novih i insistiranje na primjeni postojećih zakona, podsticanje građana i posebno članstva Platforme na prijavljivanje slučajeva korupcije i kriminalnih radnji Platformi, pokretanje pitanja odgovornosti nadležnih organa za neefikasno vođenje postupaka te smjenu i udaljavanje iz Platforme svih onih za koje se utvrdi sklonost ka korupciji.

Prava građana

16. Platforma se zalaže za punu slobodu vjere i uvjerenja koja ne ograničavaju slobodu drugih i drugačijih.

17. Platforma se zalaže za eliminaciju bilo koje vrste diskriminacije bilo kojeg stanovnika po bilo kojem osnovu.

18. Platforma je privržena zaštiti prava stanovnika na udruživanje po bilo kojim osnovama koje nisu u suprotnosti s interesima države i ne narušavaju prava svih stanovnika Bosne i Hercegovine.

19. Platforma podržava nevladin sektor i aktere civilnog društva na lokalnom, državnom i međunarodnom nivou, a čije djelovanje nije u suprotnosti s Programskom deklaracijom Platforme.

Mediji

20. Platforma insistira na punoj slobodi izražavanja i slobodi medija bez govora mržnje kao i na njihovom pozitivnom uticaju na stanovništvo, nezavisno od toga da li su oni privatni ili javni.

Javna uprava

21. Platforma se zalaže za odgovoran i transparentan rad organa javne uprave na svim nivoima vlasti.

22. Platforma se zalaže za reformu i depolitizaciju javne uprave na svim nivoima vlasti u cilju njene racionalizacije i digitalizacije i usklađivanje plata i nadoknada zaposlenika i poslanika/vijećnika s primanjima u realnom sektoru, uslovima na tržištu i uslovima života stanovnika te usklađivanja cijena usluga javnih preduzeća sa životnim standardom građana, odnosno njihovom platežnom moći.



23. Platforma se zalaže za restrukturiranje javnih preduzeća i otklanjanje političkog uticaja na upravljanje javnim preduzećima i njihov rad.

24. Platforma se zalaže za modernizaciju i tehničko unapređenje sistema glasanja kao i osiguranje transparentnosti cjelokupnog procesa glasanja.

Ekonomija

25. Platforma se zalaže za maksimalan rast privrede koji ne ide na uštrb prava stanovnika uz primjenu svih ekoloških standarda.

26. Platforma radi na razvijanju programa i projekata koji će voditi ka povećanju ulaganja u privredu Bosne i Hercegovine.

27. Platforma se zalaže za tržište slobodnog protoka kapitala, ideja i ljudi u svrhu izgradnje snažne i fleksibilne ekonomije i pravednog socijalnog društva što podrazumijeva snažnu zaštitu radnika i svih drugih socijalnih kategorija društva.

28. Platforma se zalaže za razvoj i modernizaciju tržišta kapitala, berze, brokerskih kuća, osiguravajućih kuća, banaka, razvojnih banaka te bankarskog, finansijskog i monetarnog sistema države.

29. Platforma se zalaže za normalizaciju i ujednačavanje ekonomskih uslova i šansi za razvoj na teritoriji Bosne i Hercegovine, bez obzira na rezultate izbornih procesa ili teritorijalne granice.

Pravosuđe

30. Platforma insistira na reformi pravosuđa kako bi se pravo i pravda dosljedno, efikasno i ravnopravno primjenjivali na sve građane.

Mladi

31. Platforma radi na stvaranju najboljih uslova za razvoj mladih u oblasti obrazovanja, ekonomije, sporta, kulture, umjetnosti i društvenog djelovanja.

32. Platforma radi na stvaranju uslova za ostanak mladih, kao i svih onih koji napuštaju BiH u potrazi za boljim uslovima života. Platforma takođe želi da osmisli i provede programe koji će voditi ka povratku iseljenika u BiH.

Obrazovanje

33. Platforma radi na reformi i unapređenju sistema obrazovanja, obuke i osposobljavanja stanovništva za rad na način da se kod pojedinca prepoznaju i razvijaju njegovi pozitivni individualni potencijali te intelektualne, estetske, moralne, radne, socijalne i građanske kompetencije, što će za rezultat imati jedan od najbolje koncipiranih sistema obrazovanja na svijetu.

34. Platforma radi na profesionalnoj orijentaciji i analiziranju realnih potreba na tržištu rada spram kojih dalje kreira politiku obrazovanja stanovništva, uz uvažavanje ličnosti svakog pojedinca u tom procesu.



Zdravstvo

35. Platforma radi na reformi sistema zdravstvene zaštite kako bi svi stanovnici imali zdravstvene usluge na nivou svjetskih zdravstvenih standarda.

Nauka, istraživanje i inovacije

36. Platforma radi na razvijanju, finansiranju i unapređenju nauke, tehnologije i istraživanja.

37. Platforma radi na razvijanju i promociji kreativnosti i inovacija u obrazovnim, ekonomskim i društvenim sistemima države.

Umjetnost, kultura i sport

38. Platforma radi na razvijanju umjetnosti, kulture i sporta na svjetskom nivou, kao i na očuvanju i razvijanju bosanskohercegovačkog kulturnog identiteta kroz jačanje i obnavljanje odgovarajućih fondova na nivou cijele države.

Zaštita građana

39. Platforma radi na očuvanju digniteta i životnog standarda svih građana, posebno vodeći računa o ljudima s posebnim potrebama, penzionerima, demobilisanim borcima, ratnim vojnim invalidima i drugim ranjivim kategorijama stanovništva.

40. Platforma radi na socijalnim programima koji štite nemoćne i osposobljavaju ih za produktivan život i doprinos društvu.

41. Platforma radi na socijalnim, zdravstvenim i obrazovnim programima koji štite djecu

42. Platforma se zalaže za rodnu ravnopravnost i prava žena.



Bezbjednost i sigurnost

43. Platforma radi na osiguranju najboljih uslova za rad policijskih, sigurnosnih i vojnih struktura u Bosni i Hercegovini koje moraju da budu pod potpunom civilnom kontrolom i parlamentarnim nadzorom, a u potpunosti uvažavajući operativnu samostalnost policije na lokalnom nivou.
44. Platforma insistira na javnoj objavi registra boraca i korisnika prava iz oblasti boračke invalidske zaštite te insistira na provođenju javne revizije registra.

Zaštita životne sredine

45. Platforma podstiče sve organe javne uprave, privredne subjekte i stanovnike Bosne i Hercegovine na zaštitu životne sredine i stvaranje sredine koja je zdrava i ugodna za život.

Završne odredbe

46. Programska deklaracija obavezuje sve članove Platforme na njeno poštivanje i provođenje u praksi.
47. Odstupanje od Programske deklaracije ili djelovanje članova Platforme koje je u suprotnosti s njenim odredbama povlači mogućnost isključenja iz članstva Platforme, u skladu s procedurom utvrđenom u Statutu Platforme.
48. Članstvo u Platformi predmet je osporavanja ako je član svojim ranijim djelovanjem postupao u suprotnosti s ovom Programskom deklaracijom.
49. Predsjedništvo Platforme donosi konkretne programske aktivnosti za svaku oblast političkog djelovanja Platforme u skladu s načelima ove Programske deklaracije.
50. Platforma saraduje sa svim političkim i drugim i organizacijama koje prihvataju Programsku deklaraciju Platforme i njen etički kodeks.
51. Programsku deklaraciju mijenja i dopunjava Skupština Platforme.
52. Programska deklaracija je javna i objavljuje se na službenoj web stranici Platforme.

Murat Hoščan

